



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CLXXII. Ioannis Papae VIII. Ad Carolvm Regem. Hortatur vt
quamprimum contra infideles & ecclesiae oppressores auxilio veniat.

urn:nbn:de:hbz:466:1-15967

stro regali iure nostri desiderii preces audire cum iucunditate procul dubio studueritis. Talem namque progenitores vestros inuictissimos imperatores Augustos circa decessores nostros, sanctos videlicet Romanæ sedis antistites, habuisse dilectionem recolimus, vt quidquid ab alterutra parte petebatur, omni postposita occasione mox efficaciter completeretur. Ita vero & nostra nunc pontificalis a Deo conseruata maiestas, & vestra regia magnitudo, sibimet debent placide fauere vicissim. Data vt supra.

EPISTOLA CLXXII.

IOANNIS PAPÆ VIII.

AD CAROLVM REGEM.

Hortatur vt quamprimum contra infideles & ecclesiæ oppressores auxilio veniat.

Dilecto ac spiritali filio Carolo glorioſo regi.

MIRAMVR quia vos ſæpius exhortantes vt ad exaltationem sanctæ Dei ecclesiæ, vestrumque honorem, & totius terræ noſtræ defenſionem venires vocauimus, & haec tenus diſtulisti. Credere namque nobis potestis, quod nimia vndique tam Paganorum quam malorum Christianorum perſecutione grauati, vndique concuſſi, talia quæ iam a longo tempore patimur, ſufferre nequimus: & ideo iterum admonemus, vt toto conamine, ſicut vobis mandauimus, procul dubio attendatis. Nam pro certo ſcire debetis quoniā pro nullius hominis lucro, vel blandimento, ſiue terrore a veftro nos conſortio, & vestræ amicitiæ foedere separabimus: idcirco tantum viriliter agere ea, quæ nobis ac vobis proficia ſunt, nullatenus dubitetis. Sed prætolando vestrum aduentum, diuque tardantem putauimus, ne forte Carolomanni glorioſi regis, germani veftri prædicti, aliquo impedimento iam venire nequififeris: vnde illi noſtram apostolicam direximus epistolam, admonentes, quia ſi hoc regnum amplius taliter occupatum ac inordinatum, & fine defenſione tenuerit, animæ ſuę detrimentum omnimodis fiet; nullumque vobis pro ecclesiæ Dei defenſione venientibus impedimentum aliquod facere præſummat. Quapropter quod agendum eſt veftra regalis excellentia agere nullo modo definat: nam ſi

per

pervos sancta Romana ecclesia fuerit exaltata, atque defensa, vester honor, & gloria hic, & in futuro sine dubio coram Domino multiplicata manebit. Data ut supra.

EPISTOLA CLXXIII.

IOANNIS PAPÆ VIII.

AD VVIBBODVM EPISCOPVM.

Vt una cum legatis, quos ad Carolomanum mittit, eat, vel aliquem vice sua mittat. arguit, quod bona Angelbergæ diripi non prohibuerit. hortatur ut ea recuperanda curet.

Vvibbodo episcopo.

QONIAM præ omnibus, qui in his videntur consistere partibus, Deo dilectis sacerdotibus, te utpote carissimum filium, & fratrem vnam specialius diligimus, & pro tanta tua sinceritatis deuotione, quam circanos, & sedem apostolicâ habere dignosceris toto mentis affectu amplectimur; & idcirco reverentiam tuam pio nobis amore coniunctam cupimus apostolica semper benignitate fouere, auctoritate fulcire. Nunc igitur dilectioni tuae notum esse volumus quia pro tot & tantis calamitatibus, quas, sicut ipse bene cognoscis, assidue patimur, hos praesentes missos nostros direximus per te quasi per quoddam ostium intraturos spirituali filio nostro Carolomanno glorioso regi, cum quibus sane, aut ipse in seruitium sancti Petri alacriter ire, omnemque nostræ voluntatis causam, & necessitatem apud eumdem regem perficere studeas, aut fidelissimum & idoneum a latere tuo virum dirigas, qui vicem tuam in omnibus sagaciter possit explere. Nam tuo consilio, & adiutorio ... eosdem legatos nostros munias hortamur, quatenus sedis apostolicæ legationem, prout dignum est, & instantis temporis necessitas exigit, Deo propitio, perficere possint. Et quia eos sine tarditate ire, ac reuerti præcepimus, ne ultra tres dies illos penes te retinere procures; sed habito mox consilio quatenus salvi & securi ad iam dictum regem proficiscantur, aut nullatenus demorentur. Quod si fortasse ad Carolomanum pro eius corpore infirmitate ire non posse contigerit, ad Carolum regem ipsius germanum eos quocumque mo-

Concil. Tom. 24.

A a